

اخشای داخلیه و از جمله ۶۰۶ ده ناتمامیت کلیه Insuffisance reinale یا خود (uremie)،
 ناتمامیت کبد Insuf. hepatic، ناتمامیت قلبی و عائی insuf. cardiaque-vas-culaire
 الح نظر اعتباره آلمیه‌رق تطبیق ایدل‌کده نصل فائده انتظار ایدلسون. ایشته
 aconitine digitaline اصل مسئله اولان (contre indication) ی ای بیلمک
 لازمدر. بو صورتله سزک‌ده (۶۰۶) ی تطبیق ایتدیک‌کمز خستکان نامنه توصیه ایدرز.
 ذاتاً پک قولایدر. «antisepsie و sepsie» یه رعایت ایدرک تمیز بر محلول حاضر لیره
 هریده یا بمق قابلدر عزیز مسلک‌داشم.

عزیزم: صحیه مدیریت عمومیه سنک نظر دقتی جلب ایتدیک خصوصنده کی مطالعه مزده اصرار
 ایتدیکله بوبابده کی مقصدمزه کلنجه :

یوقاریدنبرو تعداد ایتدیکمز وجهله اسباب فیه یه بناء محسناتی تصدیق کرده عالم
 اولان ۶۰۶ علاجنک عوامک خوشنه کیده جک صورتده برنام عوام پرستانه ایله توسیم ایدلمی
 بزجه بر حقیقتک ظلمته تحویلی ایله برابر عوامک دوقورلره و بالتخصیص فنه و فن طبه عدم
 امنیتلری و بلکه ده عصیانلری جالب اولسی احتمال اغلبه مبتیدر.
 قوله رانک عوامجه بزله حقنده حاصل ایتدیک خطا آلود فکر لرطن ایدرسم مطالعه مزک
 بوجهتی تأیید ایدر احوالندرد. و تعبیرات فیه یه مغایر بوکی طمطراقی رقلامره مشابه بعض اسباب
 و احوالدن ایلری کلش اولسه کرکدر. (کلام) او قودینکیز کله (را) می مطبعه ده سهواً قونماش
 (رکلام) در. باقی احترامات.

باب عالی جاده سنده مسرت اونلی قارشیننده امراض جلدیه وافر نیجه متخصصری

دوقور صائب ، دوقور ضیری کمال



بر مطالعه

جنائی رومانلر

و

حقیقی اثر

شو صوک کونلرده حیات فکریه مز اوزرنده - جریحه اجتماعیه شکنده - بویوک بر تأثیر
 حصوله کتیرن جنائی رومانلرک مطالعه می؛ تقلید خصوصنده بزده پک ناقص اولان بر استعدادک
 نتیجه سیدر. او یله ظن ایدیلور که ادبیاتک مهم بر قسمی اولان رومان بر قاچ اُنتریکک ، بر قاچ
 وقعه مخیله نک غیر مطرد ، بی آهنگ بر کتله سیدر . یا کلینور ، آلدانیلیور

ادبیات برآینهٔ زماندر، او زمانزك روحنی تدقیق ایدر، حس‌لرینی تحلیلله چالیشیر.
حیات اجتماعی‌نك - ظاهری، جنائی وقعه‌لردن دها درین - جنایتلرینی، فضاحتلرینی، حسی
جنتلرینی یایار، آچار، کوزمزك اوکنه قویار؛ وزه کندی روحزی، کندی حس‌لرمزی کندی
فکرلرمزی تشریح ایدر؛ عصرمزی کوستر.

بو تشریح‌دن، بو تشخیص‌دن بر فائدهٔ اخلاقیه و اجتماعیه الده ایدرز، که نفسی، شخصی تنکا
ملمزد. بشریت هر شیئی محیط‌دن طویلار، اکمال و اصلاح ایله تکرار محیطنه ویرر. تکاملده
بودر. شخصیتمز خارجنده هیچ بر شی یوقدر، که بزده بر تأثیر، روحزده بر تعدیل حصوله
کتیرمه‌سین... اک اوفاق بر ویزیلتی، اک خفیف بر صدا مرکز روح اولان دماغمزی ایقاز
وتییه ایدر، بزده غیر مشعور بر چوق اوفاق اطلاع‌لر حصوله کتیرر. و بونلر، اشتراك افکار
تعبیر ایدیلن ملکهٔ روحیه اغانه‌سیله، جمله عصبیه‌نك کیمیوی و میخانیکی افعالی نتیجه‌سی بر بریله
برلشهرک اطلاع‌لرمزی، اطلاع‌لرمزده فکرلرمزی حاصل ایدرلر.

شورایه مختصراً قید ایتدیکمز بو افعال روحیه‌دن، ادبیاتك، رومانلرک حیات جمعیه،
بالخاصه اخلاقه درجهٔ تأثیری پك کوزل آ کلاشیلر: اخلاقك صوك شکله‌کی غایه‌سی بشرک
مجادلهٔ حیاتده موفق اوله بیلمسنی تأمین ایتمکدر. بوده انجق قوی ولایتزل بر اراده‌نك انکشافیله تام
و صاغلام بر حساسیتله ممکن اولور. حال بوکه جنائی رومانلرله عصرک متریلری (dégénérés)
طرف‌دن یازیلان آثار ادبیه حساسیتی مریض بر حاله، اراده‌ی متزلزل بر شکله وضع
ایدر...

متوازن بر حساسیتی، صاغلام و متین بر اراده‌ی تأمین ایدن اک برنجی واسطه، حیات
روحیه‌مزده بویوک وظیفه‌لر ایفا ایلین دقتدر، محاکمه‌در. حال بوکه جنائی رومانلر، متردی
آثار؛ قوهٔ خیالیه‌مزی تزید، نتیجه‌ده محاکمه‌مزی تنقیص ایدر، مطالعه‌مزك دماغمزه رکز
ایتدیکی اوفاق اطلاع‌لر سبیلله‌بزی یا کلس دوشوندیرر، نقصانی دفته سوق ایلر.

ایشته بونك ایچون مملکتك محب ترقی کتابجیلری ارتق جنائی رومانلردن واز کچهرک مترجم
و ملی آثار ادبیه ایله مملکتك دوچار اولدینی بحران اعصابی، مرض اخلاقی‌ی تدایو ایتلی
و «تردیات» دن آزاده محررلری، روحیونی، طویلایه‌رق، زمان زمان روحی و حسی اوفاق
بویوک حکایه‌لر، رومانلر نشر ایلدیرلر.

